

Rakan Haiwan: Orangutan



Mari belajar tentang
orangutan:

1.

Orangutan ialah sejenis mawas. Ia tidak mempunyai ekor seperti kera.

2.

Jari-jemari di tapak kakinya panjang, khas untuk menggenggam dahan.

3.

Tangannya yang panjang membenarkannya bergayut dari pokok ke pokok.

4.

Anak orangutan hidup bersama ibunya selama 7 hingga 8 tahun. Ia akan meneroka alamnya dengan riang sambil mempelajari cara-cara hidup di hutan.

5.

Di alam liar, orangutan akan menggunakan daun yang lebar sebagai payung untuk melindungi dirinya daripada hujan.

Mengapa Orangutan Cekap Memanjat Pokok?

Orangutan boleh dijumpai di hutan hujan Borneo dan Sumatra. Ia adalah haiwan terbesar yang hidup di atas pokok. Walaupun besar, ia cekap bergayut dari pokok ke pokok.



Lihat-Fikir-Musykil

Gunakan rutin *‘Lihat-Fikir-Musykil’ mulakan perbualan bersama murid anda dan galakkan mereka kemukakan soalan mereka sendiri.

*Diterap daripada Project Zero, Harvard Graduate School of Education



Lihat:

- Namakan segalanya yang anda lihat di dalam gambar ini
- Berapa ekor orangutan yang anda lihat?
- Saya lihat...

Fikir:

- Apakah yang sedang anak orangutan itu lakukan pada leher ibunya?
- Bagaimanakah orangutan bergerak di atas pokok?
- Saya fikir...

Musykil:

- Saya musykil apa yang akan orangutan ini lakukan kelak.
- Saya musykil bagaimana...
- Saya musykil ke/di mana...

Aktiviti 1: Ini Bukan Sehelai Guni



Aktiviti berkumpulan.



Dapatkan alat yang serupa sehelai guni.
Anda boleh gunakan sarung bantal juga.



Langkah 1. Tonton [video](#) ini dan perhatikan si orangutan Merlin bermain dengan sehelai guni.

Soalan Rangsangan:

- Apakah yang sedang si Merlin lakukan dengan sehelai guni itu?
- Apalagi yang boleh kita gunakan dengan sehelai guni ini?



Cari sehelai guni, atau alat yang serupa seperti sarung bantal. Ambil giliran untuk memberikan idea kreatif untuk kegunaan sarung itu. Luahkan idea melalui aksi ataupun ayat seperti “Ini bukan sehelai sarung/guni; ia adalah tikar ajaib!”



Langkah tambahan: awak boleh lakonkan idea atau ayat anda seperti permainan Charades.

Aktiviti 2: Permainan Cermin



Aktiviti berkumpulan



Gerakkan badan anda

Langkah

1.

Pilih orangutan kegemaran anda daripada 3 gambar di bawah ini.

Langkah

2.

Lakonkan aksi orangutan itu dan dapatkan rakan anda meniru aksi lakonan anda.



Soalan rangsangan:

- Mengapakah anda memilih orangutan itu?
- Apakah ciri-ciri yang boleh anda lihat pada orangutan itu? Terangkan kepada rakan anda warna, sais badan, bentuk badan dan tekstur bulunya.
- Bolehkah anda sangka perasaannya?
- Apa yang sedang orangutan itu fikirkan?